

元始无量度人上品經法卷之四

普度章

道言夫天地運度亦有否終

運是劫運度是度數

成玄英註否終者否是陽九百六終謂三界消亡陽九百六者按周易大衍十九年為一章四章為一部二十部為一統三統為一元一元四千六百年其中通有五十四年水旱陽九者陽數奇極於九災應之時大則九年之旱也其次則七年五年三年一年之火也陰數偶極於八災應之時則八年六年四年二年之水百六初入元一百六十年陽數奇

道藏輯要

度人經法

齋

亢集七

有小旱之災故云百六之災通論陽九百六之會者初入元三百年為小陽九小百六九百年為大陽九大百六大則大旱九年大水八年也漢書云四千六百一十七年為一元數盡三元為大劫之終天地消亡也三元合一萬三千八百五十一年初入元一百六十年為一小災故云百六否終之義畧舉如前也

日月五星亦有虧盈至聖神人亦有休否末學之夫亦有疾傷凡有此災同烝皆當齊心修齋六時行香十遍轉經福德立降消諸不祥无量之文普度无窮

玄師曰六時者半夜平旦食時日中晡時黃昏六陽時也